

菅芒花

菅芒花，白無芳，冷風來搖動。
無虛華，無美夢，啥人相疼痛？
世間人，錦上添花，無人來探望。
只有月娘，清白光明，照阮的迷夢。

菅芒花，白無味，生來不著時。
無玉葉，無金枝，啥人會合意？
世間事，鏡花水影，花紅有了時。
只有風姨，溫柔搖擺，顧阮的腰肢。

菅芒花，白文文，出世在寒門。
無美貌，無青春，啥人來溫存？
世間情，一場幻夢，船過水無痕。
只有金姑，來來去去，伴阮過黃昏。